

الشهامة من الإيمان | #محاضرة | د. حازم شومان

حازم شومان

اللهم لك الحمد كله وكل الملك كله وبيدك الخير كله. واليک يرجع الامر كله. اللهم صل على محمد. اللهم صل على الحبيب محمد. صلاة تجدد بها الايمان في قلوبنا. اللهم صل وسلم وسلام وبارك - 00:00:01

على محمد صلاة تصلح بها بانا. وتلم بها شعثنا. وتقوى بها في رضاك عزمنا. اللهم صلي على محمد اللهم صل على الحبيب محمد صلاة تخرج بها كربينا وتكشف بها الهم والغم عننا. اللهم صل على الحبيب محمد - 00:00:21

صلاة تعافينا بها في ابداننا. وتصلح بها احوالنا وتسدده بها خطانا. وتنور بها قلوبنا وبصائرنا وتزكي بها نفوسنا. اللهم صل على محمد. اللهم صل على الحبيب محمد وعلى ازواج امهات المؤمنين. وعلى ذريته وآل بيته انك حميد - 00:00:41

مجيد. اما بعد اخواني واحبابي في الله اللي يدخل المسجد وما يتعلمش المرجلة يبقى هو ما اتعلمش حاجة في الدين وكلمة راجل عند الناس سهلة ده فلان ده راجل ده فلان انما كلمة راجل عند ربنا سبحانه وتعالى ليها معنى تاني المرجلة من اهم الحاجات اللي ربنا كلف - 00:01:01

الى الله ان هم يعلموها للناس. والشهامة وان الرجل يبقى راجل بجد مع ربنا ورجل في الدين من اهم الحاجات. اللي ربنا كلف الدعاء الى الله انهم يعلموها للناس. النبي عليه الصلاة والسلام زي ما كان بيعلم الصحابة الايمان واليقين وكان - 00:01:18

علمهم المرجلة وكان بيعلهم الشهامة. وكان بيعلهم ان تحمل المسؤولية. ما ينفعش انك انت تاخد من الدين حتة وتسيب حتة ساعتها فيه متزمدين يا اخوانا بيبقوا معرو على الدين. معرة. لأن هو المتدين اول ما بيتدين هو امبراح كان مسئول عن - 00:01:38

نفسه كان عنوانه نفسه ما هوش مسؤول عن اي حد. فلو كان عمل مصيبة هو برصيصة لما وقع في الزنا كل اهل الدين كل اهل الدين يعني وطوا راسهم قدام الدنيا بسببه. لحد ما جه جوريج وكل اهل الدين رفعوا راسهم بسببه. فالانسان اول ما بيتدين بيبقى - 00:01:58

سفير عارف تخيل لو سفير للدولة بتاعتك برة وعمل مصيبة ولا عمل فضيحة ولا عمل حاجة اخلاقية هو مش اتفضح البلد كلها البلد كلها تيجي تسافر مرة يقول لك آآآ أنا مش عايز حد من آآآ ده بد كزا كلها كزا. يا عم ده المسلمين دول كزا. يا عم ده العرب دول كزا. هو فيه ايه - 00:02:18

ما هو اللي راحوا هناك دول كانوا سفراء الامة اللي وراهم دي كلها فكذلك المتدين بقى سفير من اول ما التزم بقى خلاص بقى تصرفاته محسوبة على الدين. وقد جعلتم الله عليكم كفيلة. اللي بيحاسب على المشاريب في الآخر مش انت. اللي بيحاسب على - 00:02:39

شريف في الآخر صورة التدين في المجتمع كلها. اووعي تفتكر ان الرجلة في الدين وان المجدعة وان تحمل المسؤولية وان تغير صفاتك بمعزل عن الدين اعزل عن الصيام والقيام اللي بيقول كده ده مش فاهم اي حاجة في الدين. ده انسان نزرته في الدين في قمة السطحية. عشان كده النبي عليه الصلاة والسلام طلع على المنبر عليه الصلاة والسلام - 00:02:57

قال ان الله امرني ان اعلمكم ما جهلتكم اني خلقت الحديث قدسي. اني خلقت عبادي كلهم حنفاء. حنفاء رجاله. ما فيش حد هيمشي في باطل وهيمشوا وراه. ما فيش امعات في المعصية فجاءتهم الشياطين. الشيطان مش هيسيبيك. خد بالك حنفاء دي قمة الدين. حنفاء - 00:03:17

الناس في القمة الشيطان بعد ما يشوفك في القمة مش هيسيبك. الشيطان مش هيأس منك. لو صليت خمس ساعات قيام ليل كل ليلة الشيطان مش هيئيس منك. الشيطان هيأس منك لما تبقى راجل - 00:03:37

ان الشيطان يفر من عمر. لما هتبقي راجل وهيفي عنك تحمل مسئولية استعادتها الشيطان يهرب منك. انما الصيام والقيام والعبادة وانك انت مقطع الدنيا بقى الشيطان بالعكس اني خلقت عبادي كلهم حنفاء فجاءتهم الشياطين فاشتالتهم عن ايديهم. الاجتياز - 00:03:47

هو تغيير المسار. واحد ماشي ناحية الشرق فجأة بقى ماشي ناحية الغرب. فاشتالتهم عن دينهم. وان الله وان الله وقال انما بعثتك لابتليك وابتلي بك. فقلت يا رب اذا يتلغوا رأسي ويدروه خبزا. يا رب هيفرموني. يا رب ما اقدرش - 00:04:07

يا رب المهمة اللي انت بتطلبه مني دي انا هتفرم لو لو تصدرت بها رينا بيقول له انزل اشتغل في الواقع انزل يا رب الشياطين اجتالت الناس. خلاص خط السير اتغير. الناس ما عادتش لا عايزه دين ولا انا لو طاعت اقول لهم حاجة عن - 00:04:27

استنوا عن النار هيقولوا لي تبا لك سائر واليوم الا هذا جمعتنا فقلت يا رب اذا يتلغوا رأسي وادروه خبزا هيفرموني مش هيسيبني دول جبارة دول فراعنة. دول فجرة. دول هيسيبيوا حد يتكلم في الدين ومش هيسيبيوا حد يدعوا الى الله. نفس الكلمة اللي لما جبريل قالها للنبي عليه الصلاة والسلام قال له اقرأ - 00:04:43

فانا بقارى ما اقدرش. التكليف ده فوق قدر استطاعتي. فقال الله اقرأ باسم ريك. كذلك لما رينا قال له انزل للواقع اشتغل في الدعوة. يا رب اذا لغوا رأسي وذروه خبزا ما اقدرش. فقال الله عز وجل اغزهم نفزك. انزل بس وخلی عنك روح مبادرة. وابدا وزي ما الشياطين - 00:05:03

استرجلوا في الباطل وبعد ما الدنيا كلها كانت على الدين غيروا مسار الدنيا كلها. استرجل في الحق. اغزهم نفزك. انزل وربنا معك. اشتغل بالمتاح ادخل من الباب المفتوح. انزل واشتغل باماكياتك المحدودة. وربنا معك في تغيير الواقع ده. وتصليح الواقع مرة تانية. وارسل جيشا - 00:05:23

في العشرة يعني لو انت نزلت آآآ جيش انا هجيب لك عشرة عشرة من الجيش بتاعك. لأ عشرة من الجيوش بتاعة رينا. مش عشر اضعاف طاقتكم. ده عشر اضعاف - 00:05:43

آآ جيوش من بتاعة رينا من المدد الرباني. مش على قدك انت هتشتغل على قدرك وربنا يديك على قدره. انت هتدعوا الى الله على قدر لسانك وكلماتك علمك وربنا سبحانه وتعالى بيفتح في الواقع على قدره. وقاتل بمن اطاعك من عصاك. اشتغل بالمتاح. اشتغل بالللي رينا اداه لك - 00:05:53

فالنبي عليه الصلاة والسلام يقول اهل الجنة ثلاثة. النبي عليه الصلاة والسلام بعد ما قال الكلام ده. واتكلم عن روح المبادرة في الدين. واتكلم على انك انت ماشي في الطريق - 00:06:13

رضاعك فما تيأسش. واشتغل بالمتاح وربنا يعينك سبحانه وتعالى. فالنبي بيقول اهل الجنة ثلاثة. قل ذو سلطان متصدق او فك ذو سلطان مقسط متصدق موفق. ذو سلطان ده مش معناه حاكم آآ دولة. له سلطان ده ممكن واحد آآ مستشار - 00:06:23 ذو سلطان ده ممكن واحد وكيل وزارة. ذو سلطان ده ممكن واحد اي واحد مسؤول هل العلماء قالوا حتى الاب في بيته اب له سلطة. اي حد له سلطة. اي حد رينا ادى له مركز بس راجل بقى. عنده تحمل مسئولية. فبدأ ان هو يستخدم سلطته دي في خدمة الناس. وتسهيل امورهم - 00:06:43

الناس يعني الراجل ده كان بيصوم ويقوم انما ما جابش سيرة القيام والصيام هنا. النبي بيقول ذو سلطان مقصد متصدق موفق. يبقى هو راجل تصدق بسلطته وبدأ ان هو يخدم الناس ويبقى خدوم. ويشيل ويسترجل. حديس المرجلاة. ورجل رحيم رقيق القلب - 00:07:01

الذى على كل ذي قربة ومسلم. راجل بقى عنده تحمل مسئولية وشهامة ومرجلة. بس هو مش ذو سلطان. بس هو عنده قلبه رقيق. فكل ما يلاقي حد محظوظ او اخ من اخوانه مسلا مزنوق او مسلم وقع في ازمة او واحد قريبه وقع في ازمة ومش عارف يتجوز ولا

مش عارف يشتغل راجل بقى مع الناس - 00:07:21

راجل جدع مع الناس. هو صحيح ما عندوش مركز كبير يقدر يخدم به الناس. وبمكالمة ولا بامضاء ولا بكارت يبعته لحد ممکن يوظف شاب ولا يجوز واحد انما هو راجل مع الناس. شهم مع الناس برضه هو فين الصيام والقيام هنا. طب والتالت وعفيف متغفف ذو عيال. بpresso راجل بس راجل مع ولاده - 00:07:41

واحد غلبان عفيف متغفف واحد غلبان على قد حاله قوي. وما بيسألش حد حاجة. آآ ذو عيال يعني عنده مسئوليات كتير جدا وبيغول. ومع ذلك راجل مع اللي هو مسؤول عنهم. راجل مع الناس اللي هو مسؤول عنهم. فالنبي عليه الصلاة والسلام دول يا رسول الله امال فين الصوماين؟ الاول تبقى راجل. لو الراجل راجل - 00:08:01

كل حاجة والناتج ناجح في كل حاجة والفاشل فاشل في كل حاجة. وبعد كده النبي تكلم بقى عن اهل النار ويتكلم عن اهل النار يقول لك آآ آآ والمخالف الذي يخادعك عن اهلك ومالك. يعني واحد هو عايز يعيش حياة حلوة. بس هو مش قادر يدفع تمن جوازة حلوة. هو ما فيش حاجة اسمها انانا هاشتغل واجوز.انا - 00:08:21

انا ضايع عمرى في الشغل ولا ايه! هو انا استمتعت واشتغل! انا عايز اتبسط على طول! طب انا عايز اتجوز اجازة حلوة! طب اعمل ايه! طب انا عايز فلوس! وعايز اتبسط! طب اعمل ايه! ما فيش حل غير انه بيقى - 00:08:41

جبان ما فيش حل انه غير انه بيقى زي الخنزير يدور على واحد مراته حلوة ويدور على واحد معه فلوس ويبدا ياخدهم كويري عشان يوصل منهم لايه؟ لانه يخون واحد - 00:08:51

مع مراته وان هو عايز يعيش ولكن من غير ما يدفع تمنه. ففي الآخر بيترمى في جهنم لانه عايز مش عايز يدفع تمن حاجة في الدنيا. انسان والعياذ بالله النادرة - 00:09:01

بقي الوقاحة والحقارة اللي هي عكس المرجلة. انا باحس ان النبي عليه الصلاة والسلام طلع من المنبر عشان يتبرأ من الفشلة. يا جماعة لو حد فشل احنا ما لناش دعوة به - 00:09:11

انا حاسس ان الحديث ده كده النبي عليه الصلاة والسلام بيقول للناس كده. لو حد لو شفت واحد متدين فاشل انا بريء منه. انا ما اعرفوش. لان الدين بيقول لك خليك راجل. ولان الدين - 00:09:21

بيقول لك خليك شهم. ولان الدين بيقول لك خليك متحمل مسئولية. ولان الدين بيقول لك خليك انسان بجد عندك جدعنـة في الوقوف مع الدنيا. وعنـدك تحمل مسئولية مع الدنيا وما تبـقاش انسان ما انتاش عـايز تدفع تمن حاجة. فالنبي عليه الصلاة والسلام طالع المنبر عشان يقول للصحابـة غيرـوا شخصـيتـكم. عـشـان يقول للمـسلـمـين - 00:09:31

غلوا عندكم روح مبادرة. استرجلوا فيـ الدنيا. مش عـشـان بـس يقول للـناس صـلـوا وصـوـموـا. فالـلـي فـاكـر انـ التـديـن مـعـزـول عنـ انـك تـغـيرـ شخصـيـتكـ وـانـك تـغـيرـ خـامـتكـ وـانـك تـبـقـيـ رـاجـلـ وـانـكـ بـيـقـيـ عـنـدـكـ مـجـدـعـةـ وـانـكـ بـيـقـيـ عـنـدـكـ شـهـامـةـ. اللي يـفـتـكـ انـ دـهـ مـعـزـولـ عنـ التـداـولـ دـهـ بـنـيـ اـدـمـ مـشـ فـاهـمـ حاجـةـ. مشـ فـاهـمـ حاجـةـ - 00:09:51

حديث كـتـيرـ جداـ فيـ الدـيـنـ تـلـقـيـ الملـتـزمـينـ ماـ بـيـقـفـوشـ معـهـ. يعنيـ ايـهـ مـرـجـلـةـ يـعـنـيـ ايـهـ كـلـمـةـ رـاجـلـ؟ بـصـواـ يـاـ اـخـوـانـاـ مـشـ كـلـهـ عـنـدـ رـبـنـاـ واحدـ. عـنـدـ النـاسـ كـلـ وـاحـدـ. اـناـ كـلـ الـلـيـ قـاعـدـينـ دـوـلـ رـجـالـةـ. كـلـ عـنـدـ رـبـنـاـ مـشـ كـلـ وـاحـدـ. عـشـانـ كـدـهـ الرـسـوـلـ عـلـيـهـ الصـلاـةـ وـالـسـلـامـ يـقـولـ - 00:10:11

انـ اللهـ اـعـدـ لـلـمـجـاهـدـيـنـ فـيـ الجـنـةـ مـائـةـ درـجـةـ ماـ بـيـنـ الدـرـجـتـيـنـ كـمـاـ بـيـنـ السـمـاءـ وـالـأـرـضـ. يعنيـ ايـهـ عـدـلـ المـجـاهـدـيـنـ؟ المـجـاهـدـ مـشـ هوـ المـقـاتـلـ. المـجـاهـدـ الـذـيـ اـجـهـدـ نـفـسـهـ فـيـ نـصـرـةـ دـيـنـ اللهـ. اـجـهـدـ نـفـسـهـ - 00:10:26

بـصـواـ بـقـيـ بنـشـرـ العـلـمـ. اـجـهـدـ نـفـسـهـ بـالـقـتـالـ فـيـ سـبـيلـ اللهـ. اـجـهـدـ نـفـسـهـ بـالـدـعـوـةـ إـلـىـ اللهـ. اـجـهـدـ نـفـسـهـ بـالـتـرـبـيـةـ. اـجـهـدـ نـفـسـهـ بـالـعـلـمـ لـدـيـنـ اللهـ. بـقـيـ المـجاـزـ دـهـ الـلـيـ مـوـتـ نـفـسـهـ عـشـانـ دـيـنـ دـهـ يـنـتـصـرـ. عـشـانـ دـعـوـةـ دـيـ تـنـتـشـرـ. عـشـانـ دـيـنـ تـعـرـفـ رـبـنـاـ. فـدـولـ عـنـدـ دـيـنـ كـلـهـ اـسـمـهـ شـيخـ. ماـ فيـشـ - 00:10:41

ماـ فيـشـ حاجـةـ اـسـمـهـ كـلـهـ عـنـدـ رـبـنـاـ شـيخـ. اـنـتـ عـنـدـ فـلـانـ لـلـشـيـخـ فـلـانـ اـهـ دـهـ شـيـخـنـاـ وـحـبـبـنـاـ. طـبـ وـالـشـيـخـ فـلـانـ اـهـ طـبـعـاـ شـيـخـنـاـ. طـبـ

والشيخ فلان ده شيخ جميل والشيخ فلان. كل - 00:11:01

الناس كله دعاء كله انما عند ربنا مش كله دعاء ولا حاجة. ده فيه مية درجة فرق ما بينهم وبين بعضهم عند ربنا فيه واحد في الدرجة المية وهو عند الناس ده شيخ وده شيخ عند ربنا في السما فوق في سقف جنات عرش الرحمن وواحد تحته بميت درجة -

00:11:11

وده عند الناس شيخ وده عند الناس شيخ. وممكن درجة حضور ده ودرجة حضور ده. ولكن الداعية اللي اتكلم في الدين غير الداعية اللي اتكلم وعمل بقية ايمان. الداعية اللي اتكلم في الدين غير الداعية اللي ادى للناس تشكيل عملي وتوجيهي عملي ينفذه من خلاله. الداعية اللي اتكلم في الدين وسخن الناس على العلم - 00:11:29

الداعية اللي عمل للناس حاجات منهجية يتربوا فيها. ويتبينوا فيها ويوصلوا لربنا فيها. الداعية اللي اتكلم في الدين غير الداعية اللي اتكلم في الدين وروح فيه سر بيته وبين ربنا وفي احوال تعبدية بيته وبين الله. الداعية اللي اتكلم في الدين وده اتكلم ولكن درجة الصدق والاخلاص ربنا اللي عالم بها. الداعية اللي اتكلم في الدين - 00:11:47

وتن بتتحقق كل كلمة صحيحة عن النبي عليه الصلوة والسلام غير الداعية اللي اتكلم وخلاص. اللي بييجي قدامه بيقوله الداعية الفرقان كبيرة او ي يا جماعة مش كله عند ربنا شيخ - 00:12:07

فانت بتشفو حاجات هي كلها شبه بعضها. عندك انت. انما عند ربنا ما فيش حاجة شبه بعضها. وفي حاجات عندك انت بقى مختلفة عن بعضها تماما وعن ربنا سبحانه وتعالى - 00:12:17

هم الاتنين واحد زي ما النبي عليه الصلوة والسلام يقول سبعة يظلهم الله بظله يوم لا ظل الا ظله. الله اعلم ايه في ميزان مين ؟ الله اعلم. الله اعلم مين في ميزان مين اصلا؟ الله اعلم انت الحسابات بتاعتك دي عند ربنا مش هي اللي مشياها الحياة -

00:12:27

ومش هي اللي مشيها الدنيا. ممكن واحد قاعد وسطنا صافي القلب كده. ممكن واحد قاعد وسطنا شهم وراجل وجدع. احسن عند ربنا من كل اللي قاعدين دول. انت ما انتش قاعد. حسابك عند ربنا - 00:12:44

غير اللي انت قايسها بدماغك. سبعة يظلهم الله بظله يوم لا ظل الا ظله. هو مين اللي بيقع في المقصورة الملكية ؟ آآآ الاساسية مسلا في المباريات العالمية ايه ولی العهد البريطاني فلان اللي مش عارف راجل الاعمال الملياردير فلان الناس البشوارات بقى بشوات الدنيا دولا مين بقى اللي قاعد في المقصدود - 00:12:54

الملكية يوم القيمة اه مين البشوارات بقى ؟ البشوارات بتوع يوم القيمة دول مين ؟ اللي قاعدين كده بيتفرجوا على الناس من ظل عرش الله وقاعدين يتفرجوا على اللي دماغه بتغلغ حر شمس القيمة ويتفرج على اللي بيقتاد للنار وبيتفرج على منع الزكاة لخمسين الف سنة قاعد امواله يعذب بها - 00:13:14

ويقوى بها في ارض المحشر ويتفرج مين الباشا ده بقى اللي قاعد يتفرج بقى من المقصورة الملكية على يوم القيمة بث مباشر وقاعد في ظل عرش الله. ده مين ده ؟ امام - 00:13:33

عادم وشاب نساً في عبادة الله ورجل دعته امرأة ذات منصب او طلبته امرأة ذات منصب وجمال فقال اني اخاف الله. رب العالمين ورجل ذكر الله خاليها ففاضت عيناه. هو يا جماعة الناس دي ما فيش اي علاقة بينها وبين بعض. الامام العادل ده واحد افتحت. ده واحد اتعن ده واحد ما نامش - 00:13:43

ده واحد زي سيدنا عمر ابن الخطاب كده ان نمت ليلى اضعت نفسي وان نمت نهاري اضعت رعاية واحد قاعد يكون وزارات ويكون حكومات ويتفقد الرعية ويكون اجهزة رقابية في الدولة ويكون آآآ ويسفر ليل نهار عشان السياسة الخارجية وينزل يتفقد احوال الشعب ويفتتح - 00:14:03

مشاريع ويشجع التنمية ويشفوف الصحة ويشفوف التعليم ده واحد اصلا. ده واحد لا هو عاش ولا مراته عاشت ولا عياله عاشوا. ده واحد اتطحن طب ورجل ذكر الله قليلا ففاضت عيناه ده احنا بعد ما خلصنا الدرس قام واحد جنب كده وقعد يقرأ شوية قرآن لوحده

00:14:23 - كده وفجأة بقى قلبه رق

وقام نازل منه دمعة مسل رأس الزبابة. ده يتتساوى بده عند ربنا الاتنين اتحطوا في المقصورة الملكية بتاعة يوم القيمة. انت عندك تشباث قلوبهم اكتشافات قلوبهم انت عندك ده ده حاجة مستحيل يتتسوى بده. ففي حاجات كثير انت شاييفها واحد وهي عند ربنا مش واحد. اوعى تفتكر ان اللي قاعدين دول عند ربنا واحد - 00:14:43

اواعى تفتكر ان كلنا عند ربنا بقى كل ربنا يعلم. في واحد جاي الدرس ده بروحه على حساب حياته. وهو واحد جاي الدرس ده يا باشا اصلا ولا ضحى بحاجة ولا تعب في حاجة. ربنا يعلم كل واحد من اللي قاعدين دول دفع تمن قد ايه عشان بييجي. ربنا يعلم كل واحد من اللي قاعدين دول نيته ايه من وراه قعدته اصلا. ربنا اعلم كل واحد من اللي قاعدين دول - 00:15:04
هي عمل ايه باللي هو هيسمعه وهيتغير في ايه باللي هو يسمعه. ربنا اعلم كل واحد من اللي قاعدين دول هو عايز ايه اصلا من ربنا. ربنا اعلم كل واحد من اللي قاعدين دول - 00:15:25

هو راجل من جواه قد ايه ؟ ربنا اعلم كل واحد من اللي قاعدين دول واحد الدين مستشفى امراض نفسية ولا واحد الدين مرحلة وجيش وبناء رسالة ولازم اعمل حاجة للسلام ولا واحد الدين ولا وافق تاييه ولا مزبزب ربنا يعلم مين اللي قاعدين دول عنده معاصي بيحرق بها حسناته ومين من اللي قاعدين عنده معاصي - 00:15:35

توب منها وربنا بيتبوب عليه في كل مرة حتى لو وقع الف مرة. ربنا اعلم كل حاجة. كله عند الناس واحد ولكن عند ربنا مش واحد. وفيه حاجات عند الناس - 00:15:55

بعيدة عن بعض تماما واحد قاعد في درس الفجر مصلي الفجر في جماعة وسامع درس في الدين وقاعد جلسة الضحى اللي عمرة وممكن واحد نايم الوقت يا ابني عند ربنا زييك. هو وحبسه العذر. هو حبسه مرضه. وممكن واحد بسبب بره بامه ما عرفش بييجي. هو - 00:16:05

ربنا احسن مننا كلنا. لاهوت حطينا على بعض كده مع ربنا وسع افقك. مع ربنا وسع الافق بتاعك المجدعة المرجلة الرجلة الرجلة في الدين من الرجلة في الدين انك انت تحافظ على دينك. انك انت دينك ما يضعف. انك ما تسيب دينك يضيع. النبي عليه الصلاة والسلام يقول فيما رواه سيدنا - 00:16:25

حذيفة آآ حذيفة متخصص في علم الشر يعني حذيفة كان الناس كلها بتتعلم الصلاة والصيام وحذيفة بيتعلم آآ السحر بيعمل ايه يا رسول الله؟ الحسد بي Democr قد ايه يا رسول الله؟ الانسكاس بييجي ازايا يا رسول الله؟ ازايا واحد متدين ويضيع؟ ازايا واحد مؤمن ويحلد - 00:16:45

ازايا واحد ماشي في سكة الجنة ويدخل جهنم في الآخر؟ ازايا كل الناس قاعدة تتتعلم الخير علوم الخير وحذيفة قاعد يتعلم الشر عادي اتعلم الشر ليه؟ زي هاروت ومروت كده وما يعلم ان من احد حتى يقولوا انما نحن فتنة. انا باعلمك السحر مش عشان تعمله. انا باعلمك السحر عشان ما فيش واحد ساحر - 00:17:05

بييجي يدمرك. انا باعلمك السحر عشان انت ما تقعش فيه. فانما نحن فتنة فلا تكفر. فسيدنا حذيفة تخصص في الحنة دي. علم معرفة الشر عشان ما اقعيش فيه. يعني واحد متدين كل الملزمين الصيام ازايا؟ والقيام ازايا؟ وده الانسكاس بيحصل ليه؟ هو الناس انتكست ليه؟ هو المسجد ده مش كان - 00:17:25

من خمس سنين في ناس مليا و كانوا زينا والناس دي بح. اللي راح دنيته اللي ساب التزامه هو الناس دي كلها تاھت ليه؟ هو ايه اللي خلي الناس تضيع بعد ما بتقبل على الله. ايه اللي بيخلطي الملزمين ما يكملوش؟ هو ده كان تخصص سيدنا حذيفة. فقال رضي الله عنه وارضاه - 00:17:45

حدثنا رسول الله صلى الله عليه وسلم حديثين فرأيت أحدهما وأنا أنتظر الآخر. أنا مستني بقى الحرامي بتاع الدين اللي النبي كلمنا عنه اللي قاعد يلف حوالين البيت مستني شبابك بس ايه اتنسى مفتوح عشان يدخل يغفلك ويقتلوك. مستني شياطين الفتنة اللي النبي عليه الصلاة والسلام حزرنا - 00:18:04

وانا انتظر الاخر. انا قاعد مصحح. اصحى ليغفلونا. او عى الشيطان يغفلك. الراجل الشيطان ما بيفللوش. حدثنا رسول الله صلى الله عليه وسلم قال نزلت الامانة في جذر قلوب الرجال. يعني ربنا الامانة اللي هو تحمل المسئولية. اللي هو انسان عنده استعداد يتحمل المسئولية. يعني يتتحمل مسئولية ايه؟ الدين ده - 00:18:24

ايه يا ابني الدرس اللي انت بتسمعه ده مسئولية؟ قال رسول الله دي مسئولية دي مش لعبة. اذا كنت فاكر ان انت جاي تستمتع انت جاي تستكثر من حجج الله عليك - 00:18:44

انت جاي تورط نفسك في انك انت بتفهم وبعد كده لو انت مش راجل. عشان كده الرسول قبل ما يقول سم علو من القرآن قال نزلت الامانة. هو انت لو انت ما عندكش - 00:18:53

تحمل مسئولية وقعدت اديك درس تفسير. ولا الهوا هتروح تنام ولا في بالك حاجة اصلا. آ بالك رايق. هو انت لو ما عندكش امانة؟ لو ما راجل اصلا. لو ما عندك لو خامتك مش حلوة اصلا. لو ما عندكش من جوة مجدة في دينك. واستشهاد في دينك وشهادة في دينك. وما انتش راجل - 00:19:03

وحيد خامتك وبعد كده عرفت احاديس النبي عليه الصلاة والسلام كلها في الدعوة الى الله. تعمل بقى ايه ايه اللي انت هتعمله ولا هتعمله وعرفت احاديس النبي في طلب العلم. واحاديس النبي في التربية ولا تعمل بها حاجة لانك مش امين اصلا. لانك انت ما عندكش تحمل مسئولية فانت فاكر ان الدين - 00:19:23

هو سمعنا واستمتعنا مش فاكر ان الدين هي مسؤوليات امام الله سبحانه وتعالى. ما انتاش داخل بفكر المرجلة من الاول. نزلت الامانة ربنا نزل بها اليمان ونزل تحمل المسئولية والمرجلة. هو المرجلة دي منحة من الله؟ اه. هو مش اي حد المرجلة دي حاجة بتنزل من فوق كده. ربنا بيديها لمن يشاء من عباده. مش كل - 00:19:39

المتدينين رجال من المؤمنين رجال وليس كل المؤمنين رجال. مش كله رجال. فيه منهم ناس ربنا اصطفاهم بيعقوبوا رجالة في رجالة نزلت الامانة في جذر قلوب الرجال. يبقى الاول هو استرجل. استرجل في الدين واسترجل في طلب بناءه واسترجل في الانطلاق الى الله. فربنا ادي له - 00:19:59

الرجاله بقى اللي بحواحي نزلوا الامانة في قلبه. نزلها له فين؟ في جذر قلوب الرجال. في الجزر يعني كان القلب ده شجرة وربنا نصف له الجدر. فالجدر ده هيفضل ايه؟ جدر شجرة سليم هيفضل يغزي الشجرة بالايمان. لازم تبقى جزر في تفكيرك في علاقتك بالله سبحانه وتعالى. فين جذور اليمان في قلبك؟ ثم - 00:20:17

علموا من القرآن ثم علموا العلم بيجي بقى. مرحلة طلب العلم جت على انسان بجد امين. وحدثنا عن رفعها. رفع الامانة بقى يعني هيجي وقت هيبيقى المساجد مليانة وما فيش رجاله - 00:20:37

هيجي وقت هيبيقى المساجد مليانة بس هو شكله على الفاضي ما فيش راجل بحقه حقيقي يبقى كان فيه وقت كان المتدين راجل اللي هو الاسترجل ربنا نزل له الامانة في قلبه بقى مجموعة من الامانة قاعدين قدام النبي عليه الصلاة والسلام. النبي يكلمهم عن فتح - 00:20:52

احنا اللي بنفتح يا رسول الله. النبي عليه الصلاة والسلام بيكلمهم عن الدعوة الى الله. احنا اللي هنشتغل يا رسول الله. النبي عليه الصلاة والسلام بيكلمهم عن نصرة الاسلام من للاسلام ان لم يكن نحن. النبي عليه الصلاة والسلام - 00:21:07

كلهم عن النبي يكلمهم عن كل حاجة انا مسئول. هو الكلام ده مش مش هزحلقه من على دماغي. الكلام ده لي انا. انا حاسس بالمسئولية عن كل يقولها النبي صلي الله عليه وسلم امال مين؟ انا وانا قاعد متفرج في مسرحية انا راجل انا راجل من رجاله الاسلام فكان الصحابة بيستمعوا الى كلام الله - 00:21:17

هو كلام رسول الله صلي الله عليه وسلم باحساس المسؤولية. احنا ما بنسمعواش باحساس المسؤولية. انت اي كلمة بالنسبة لك مش في دماغك ولا مش في خط سيرك ولا مش جاية معك - 00:21:37

اه اختياراتك الحياتية انت قاعد بتزحلق من على دماغك على طول. ده مش لي اه ده بالتأكيد اه شيخ بيكلم اي حد. لا يا حبيبي انا

باكلمك انت. يعني ايه الامانة في الدين - 00:21:47

انك انت بتسمع الكلام ده باحساس المسؤولية. انت تتلقى لتنفذ. انت مش بتسمع الكلام ده وقاعد بقى ايه يعني اما اسمع واشوف. ما فيش حدثنا رفعها فقال ينام الرجل النوم - 00:21:57

يغفل الغفلة يبدأ بقى ايه ينشغل عن بقية الايمان ينشغل عن الصحبة الصالحة ينشغل بقى في دنيته على على حسابه الانشغال في الدنيا ليس في الشرع مزموم اشتغال في الدنيا الذي يشغل عن الدين هو ده اللي مزموم في الشرع - 00:22:11
الساعة بتاعة الدنيا مش مزمومة. انك تزاكر مش مزموم في الشهر دي مرحلة. انك تشتلل انك تسعى على رزقك دي مرحلة. انك تخرج عشان تصرف على نفسك وتجوز نفسك دي مرحلة. لما - 00:22:24

الصحابة شافوا واحد جلد كده وراجل ونشيط وهمة والله بارك عضلات ورایح جاي فقالوا لو كان هذا في سبيل الله اه لو داق القوة اللي ربنا ادي له الهمة والعزمية دي كانت في الجهاد في سبيل الله. فقال النبي صلى الله عليه وسلم ان كان هذا خرج يسعى على ابوبين شيخين كبيرين - 00:22:34

وفي سبيل الله. يبقى مجاهد زيه زيكم بالزيط. وانتم جايين في غزوة تبوك. وان كان ده في غزوة تبوك الحديث ده. وان كان خرج يسعى على صبية له صغار فهو في - 00:22:54

في سبيل الله. وان كان خرج يسعى على نفسه يعفها. بيشتغل عشان يتجوز. فهو في سبيل الله. وان كان خرج يسعى على اهله. عشان مراته يستتها ويأكلها فهو في سبيل الله. ده بقى ده ده راجل مجاهد في سبيله. وان كان خرج يسعى رباء ومفاخرة فهو في سبيل - 00:23:04

خارج بقى عشان يبقى راجل غني يتبااهي قدام الاغنياء انما خارج عشان المسئوليات والتكاليف ويبقى عنده فلوس يبقى عنده زكاة فيتصدق اكتر فيكفل فقرا اكتر فيشغل عمال اكتر فيفتح بيوت اكتر. ده ده راجل في سبيل الله. ده راجل مجاهد. العلماء حطوا الحديث ده في باب الجهاد - 00:23:24

ما حطوش الحديث ده في باب الدنيا. حطوه في باب الجهاد الراجل في كل حاجة واللي بيتحمل مسؤوليته بيتحمل مسؤوليته في كل حاجة. والدين ما بيتأخدش منه حتهة ويتساب الحنة الثانية. فقال ينام الرجل النوم يغفل الغفلة بقى يعسل له التعسيلة. يتشغل بالدنيا على حساب الدين. ينسى بقية الايمان وينسى حضور الدروس. وينسى طلب - 00:23:44
اللي علمه ينسى حفظ القرآن خلاص بقى ما اناش فاضي. فتقبض الامانة من قلبه. يبقى ايه؟ نص راجل. هو كان راجل بقى وكان عنده امانة تلاقى الملزمين اللي قاعدين نص رجالة انصاف. انصاف رجال بقى نص امين كده يعني ايه بيسمع حديث ويقول انا مسئول وحديث تاني انا ايه والله ما اناش قادر - 00:24:04

انا ما ليش دعوة فيظل اسارها مسل الوقت. يعني الوقت ده اللي هو لما بلحة بتبدأ تستوي فيه اول نقطة بتبدأ تستوي فيها وتبقى طعمها مسکر جميل دي اسمها الوكت. دي الوقت في ظل لسة في حتهة حلوة في قلبه. لسة في نقطة حلوة. قلبه ضلم بسبب الانشغال بالدنيا بس فيه حتهة لسة نضيفة جواه - 00:24:24

انت بقى لو عايز ترجع في المرحلة دي راجل تاني النقطة دي هل منطلق بتاعك. النقطة دي هي اللي انت تنطلق منها تاني. انت لسة بتحب عبادة معينة. انت لسة - 00:24:44

بترفع ايديك بتلاقي قلبك وانت بتقول يا رب. انت لسة بتحب الصدقة. انت لسة بتحب الصيام. انت لسة بتحب صلة الرحم. انت لسة فيه وصلة بينك وبين ربنا. عايز ترجع ارجع من النقطة دي بقى. ارجع من الوكتاوية. اللي لسة في قلبك نضيفة لحد الوقت. ثم ينام النوم نومتين - 00:24:54

يعني الراجل ده عشان يطلع للقمة ديت الراجل ده قعد سنين من عمره مرحلة ونزول امانة وعلم القرآن وعلم سنة الراجل ده عشان يضيع اللي هو فيه. نومتين بس غفلتين. تعسيلتين خدهم. فتنتين وقع فيهم. الدين بيضيع بسهولة يا جماعة. الراجل هو اللي - 00:25:14

على دينه. ولا عنده مسئولية في تحمل ازاي تحافظ على دينك. وتحافظ على ايمانك ثم ينام النوم فتقبض. تتقبض الامانة ثاني خلاص بقى المنزr على ما فيش. تلاقي المساجد مليانة ما فيش. منازر خيالات مئاتة - 00:25:34

انا مش بنتقدك ولا بحطبك نفسيا انا بقول لك فوق اووعي تفتقرك ان انت آآ ان انت لقى عند ربنا ربنا بيرى بقى كل واحد من جوة وربنا يعلم سرائر كل واحد من جوة. اووعي تبقى منزr قاعد في الجامع على الفاضي - 00:25:50

المتدلين اللي عند ربنا له قيمة المتدينة الرجال. المتدلين اللي عنده تحمل مسئولية لدینه. اللي عنده الرجل والرجل راجل في كل حاجة ثم ينام النوم فتقبض الامانة من قلبه. فيظل اثرها مثل الاولانية كانت الوكتة. الوكتوية اللي هي الحلة الحلوة في في البلحية - 00:26:04

اللي لسة آآنية. ثم ينام النوم فتقبض الامانة من قلبه فيظل اثرها مسل المجل. المجل اللي هو الاشف بتاع الايه اللي بيقى في ايدين آآ عارف الفلاح اللي بيعزع في الارض والصنایع اللي قاعد يشتغل على طول على مكن وكده بيبقى ايديهم تخين جلداها تخينة - 00:26:24

وبيبقى دوم كبيرة كده بس هي مش كبيرة لأن اللحم كبير والعضلات كبيرة والشرابين كبيرة لا لأ. ده لأن الجلد الميت كتير اووي في ايديه. فكل زيادة الحجم ديت جلد ميت ولا له اي قيمة. فيظل اثرها مسل المجل كجمر حمر نار بقى. نار ما هو الانسان وهو بيسبيب دينه - 00:26:44

هو بعد ما بيسبيب الدنيا ومتهايا له في ناس متهايا لها ان هو لو سابت الالتزام هترتاح وياما يعني ياما واحنا طلبة في الكلية كان الواحد يتقال له كده ان يعني اللام النفسية اللي الواحد فيها بسبب ضميره وبسبب ان هو - 00:27:04

زعان من التبرج ومش قادر يغض بصره ومش قادر يجمع بين الدنيا والدين يا ابني العزاب ده اللي انت فيه ده. بسبب تدينك وبسبب الصراعات اللي ضميرك وبين شهوتك. العزاب ده هيتضاعف الف مرة لو انت موت ضميرك. ليه؟ الرسول عليه الصلاة والسلام بيقول لك بقى لما سابت قال له انا هرتاح. وان خلاص ما عادش - 00:27:19

في تحمل المسئولية وكترت دماغك بقى ويا عم كبر وبيت باشا بقى. خلاص وبقيت برنس في نفسي. لا كجمر حمر نار. ده احرجته على رجلك. فنفس. عارفين النفط النفط بتاع الخليج البترول نار مولعة. النفط ده اول ما بتمسك فيه النار بیولع. فنفس التهابات قاتلة. فتراه منتبرا - 00:27:39

يعني وارم تلاقي برابيء كده بعد ما الجمراية وقعت على رجله عملت برابيء. البرابيء دي مولعة نار. رجله مولعة نار. ووارمة كده هو وليس فيه شيء. خلاص بقى منزr على الفاضي. ولا له اي ستين لازمة - 00:27:59

بقي منظر على الفاضي. طب امال الجمر والنفت والنار والكلام ده؟ دي الام ما بعد ترك الالتزام. دي الام ما بعد هجر طريق الدين. خلاص بقى كوكا تممسكه وضعف الایمان هيممسكه. والدنيا فتخطفه الطير. هيقطقع ما بين الف مقصد دنيوي. هيقى انسان ممزق. ممزق بعد ما كان - 00:28:16

كان له وجهة في الدنيا كما قال النبي صلى الله عليه وسلم. من كانت الدنيا همه وسدمه. سدمة السدم ده اللي هو الانفعال والغيظ والحد والهم واللي والحسد الدنيا هي انفعالاته. كل انفعالاته بسبب الدنيا. هيحصل ايه؟ نزع الله الغنى من قلبه واشتلت عليه ضياعته. ده هيدمدر - 00:28:36

هيدمدر الانسان اللي انفعالاته مع الدنيا دي اللي قلبه راكب مراجيح مع الدنيا وهي جاية وهي رايحة لها ده هيدمدر في النهاية. مش هيوصل لاي حاجة في النهاية والعياذ بالله - 00:28:58

والسدم هو الولوع بالشيء. المولع بالدنيا ده الدنيا بتحطمه في النهاية. والانسان اللي عايش بقلبه مع ربنا وشغال في الدين والدنيا عشان ربنا انسان ربنا بيجمع عليه امره وبينزع الفقر من قلبه ويجعل الغنى بين عينيه وكما قال النبي صلى الله عليه وسلم. فلا يصبح الا غنيا ولا يمسى الا غنيا. ده يعيش - 00:29:08

باشا صاحب هم الآخرة والآخرة سادة مهدية يعني مولع بالآخرة. واللي الآخرة صدمه يعني انفعالاته. والنفسية كلها بسبب الدار الآخرة

وبسبب خوفه على الجنة وخوفه من النار، البنـي ادم اللي داـق ده اللي هيعيش باشا. وده اللي ربنا هيفتح على قلبه وهيفتح عليه ماديا. ده اللي ربنا يدي له سبحانه - 00:29:28

تعال فيظل اثـرها مـسلـلـوقـتـ كـجـمـرـ دـحـرـجـتـ تـرـاهـ مـنـتـبـرـاـ وـلـيـسـ فـيـهـ شـيـعـ. المـنـزـرـ دـهـ اـحـتـاـ عـدـنـاـ شـايـفـيـنـهـ دـلـوقـتـيـ. مـمـكـنـ تـلـاقـيـ المسـجـدـ حـالـيـاـ مـمـكـنـ تـلـاقـيـ مـقـطـعـ دـيـنـيـ عـلـىـ الفـيـسـ مـلـيـونـ مشـاهـدـةـ. مـيـنـ دـولـ - 00:29:49

فين تـأـسـيـرـ المـلـيـونـ دـولـ ؟ عـاـيـزـينـ مـنـهـمـ الـفـ بـسـ نـعـرـفـ هـمـ مـيـنـ دـولـ هوـ مـيـنـ الـلـيـ قـلـبـ سـمعـ مـقـطـعـ دـيـنـيـ وـبـعـدـ كـدـهـ قـامـ مـقـلـبـ سـمعـ آـآـ آـآـ اـغـنـيـةـ وـبـعـدـ كـدـهـ مـقـلـبـ سـمعـ مـقـطـعـ اـبـاحـيـ وـبـعـدـ كـدـهـ مـقـلـبـ وـآـآـ آـآـ وـلـيـسـ فـيـهـ شـيـعـ مـنـازـرـهـ - 00:30:06

خـلاـصـ اـسـتـرـجـلـ فـيـ الـدـيـنـ مـنـ الـرـجـوـلـةـ اـنـكـ اـنـتـ ماـ تـسـبـشـ دـيـنـكـ يـضـيـعـ. وـانـكـ تـبـقـىـ مـسـؤـولـ عـنـ كـلـ كـلـمـةـ بـتـسـمـعـهـ بـدـيـنـ رـبـنـاـ. وـانـكـ تـعـرـفـ اـنـ قـالـ اللـهـ وـقـالـ رـسـوـلـ اللـهـ دـيـ مشـ مـعـلـومـاتـ - 00:30:20

دـيـ تـكـالـيفـ مـنـ مـلـكـ الـمـلـكـ. دـيـ مـسـئـولـيـاتـ. مـلـقاـةـ عـلـىـ عـاـتـقـكـ. فـانتـ بـتـسـمـعـ بـفـكـرـ الـمـسـئـولـيـةـ. مـشـ بـفـكـرـ الـاـسـتـمـتـاعـ وـلـاـ بـفـكـرـ الـراـحةـ الـنـفـسـيـةـ وـلـاـ بـفـكـرـ اـدـيـنـيـ بـحـصـلـ مـعـلـومـاتـ وـبـعـدـ كـدـهـ نـبـقـىـ نـشـوـفـ اـحـنـاـ بـنـعـمـلـ فـيـهـ اـيـهـ اـنـتـ اـنـتـ جـنـدـيـ جـاـيـ تـاـخـدـ اوـاـمـرـ - 00:30:31

الـقـائـدـ الـاـعـلـىـ لـلـكـوـنـ كـلـهـ رـبـ الـعـرـشـ الـعـظـيمـ الـكـلـامـ الـلـيـ نـزـلـهـ لـكـ فـيـ مـشـكـلـةـ الـواـحـدـ وـتـمـشـيـ تـطـبـقـهـ. هـيـ دـيـتـ هـوـ دـهـ مـعـنـيـ الـاـمـانـةـ فـيـ دـيـنـ اللـهـ سـبـحـانـهـ وـتـعـالـىـ مـنـ الـرـجـوـلـةـ مـنـ ضـمـنـ آـآـ الرـجـوـلـةـ اـنـكـ اـنـتـ آـآـ ماـ تـسـبـشـ عـمـرـكـ يـضـيـعـ وـمـاـ تـسـبـشـ الـفـرـصـ تـضـيـعـ مـنـكـ. يـاـ جـمـاعـةـ فـيـهـ نـاسـ كـتـيرـ جـداـ فـاـشـلـةـ بـسـبـبـ فـشـلـهـاـ. عـشـانـ - 00:30:51

كـدـهـ النـبـيـ عـلـيـهـ الصـلـاـةـ وـالـسـلـاـمـ هـوـ هـوـ يـعـنـيـ فـيـهـ نـاسـ فـاـشـلـةـ بـسـبـبـ اـنـهـ حـاطـطـ نـفـسـهـ فـيـ وـقـعـ فـاـشـلـ. وـفـيـهـ نـاسـ فـاـشـلـةـ وـقـاعـدـةـ تـصـوـتـ وـهـوـ هـوـ رـبـنـاـ يـعـمـلـ لـكـ اـيـهـ هـوـ اـنـتـ فـاـكـرـ اـنـ رـبـنـاـ رـبـنـاـ مـشـ مـشـ بـيـتـوـلـيـ التـنـابـلـةـ - 00:31:13

فـالـاـنـسـانـ التـنـبـلـ دـهـ الرـسـوـلـ صـلـىـ اللـهـ عـلـيـهـ وـسـلـمـ يـقـولـ ثـلـاثـةـ لـاـ يـسـتـجـيـبـ اللـهـ دـعـاءـهـ. تـلـاثـةـ رـبـنـاـ مـشـ فـيـ اـحـدـاـيـسـ اـنـ فـيـ نـاسـ مـسـتـجـاـبـةـ الدـعـاءـ. وـرـبـنـاـ بـيـسـتـجـيـبـ دـعـائـهـ اـسـتـجـاـبـةـ فـورـيـةـ. وـالـدـعـاءـ - 00:31:26

بـيـنـ الاـذـانـ وـالـاـقـامـةـ لـاـ يـرـادـ. فـيـهـ تـلـاثـةـ بـقـىـ النـبـيـ عـلـيـهـ الصـلـاـةـ وـالـسـلـاـمـ قـالـ التـلـاثـةـ دـولـ رـبـنـاـ قـالـ مـشـ هـسـتـجـيـبـ لـهـمـ. مـيـنـ التـلـاثـةـ دـولـ ؟
اـلـاـوـلـ رـجـلـ كـانـتـ عـنـدـهـ اـمـرـأـ سـيـئـةـ بـلـطـفـةـ لـمـ يـطـلـقـهـاـ. وـاـحـدـ اـتـجـوزـ وـاـحـدـةـ قـلـةـ الـاـدـبـ وـلـسانـهـ طـوـيلـ وـاـهـ وـسـيـئـةـ الـاـخـلـاقـ وـبـتـشـتـمـهـ وـبـتـشـتـمـ اـهـلـهـ وـمـتـمـرـدـهـ عـلـيـهـ - 00:31:36

مـاـ بـتـسـمـعـشـ كـلـامـهـ وـهـوـ مـاـ بـيـطـلـقـهـاـشـ. يـاـ رـبـ اـنـتـقـمـ مـنـهاـ يـاـ رـبـ. يـاـ رـبـ مـنـهـ لـلـهـ. وـالـمـصـحـفـ مـاـ مـسـاـمـحـكـ بـيـنـهـ وـبـيـنـ انـ دـعـاءـ وـيـطـلـعـ السـماـ حـيـطةـ سـدـ. وـالـلـهـ مـاـ مـسـتـجـيـبـ لـكـ - 00:31:56

ثـلـاثـةـ لـاـ اـنـتـ يـاـ عـمـ اللـهـ مـعـزـبـ نـفـسـكـ اـنـتـ المـجـنـونـ اـنـتـ اللـيـ فـاـشـلـ اللـهـ! طـبـ ماـ تـطـلـقـهـاـ اـنـتـ اللـيـ فـيـ اـيـدـيـكـ حـلـمـ الـمـشـكـلـةـ اللـيـ رـبـنـاـ اـدـاـكـ مـفـتـاحـهـ وـاـنـتـ مـشـ رـاضـيـ تـحلـهـاـ وـاـقـفـ تعـيـطـ عـلـىـ بـاـبـ رـبـنـاـ يـحلـلـهـ لـيـ يـاـ رـبـ ماـ اـنـاـ اللـيـ مـدـيـكـ مـفـتـاحـهـ. اـنـتـ اللـيـ مـعـزـبـ نـفـسـكـ اـنـتـ اللـيـ مـاـسـكـ مـسـمـارـ وـقـاعـدـ تـدـقـ عـلـىـ دـمـاغـ وـتـصـوـتـ - 00:32:11

وـجـايـ وـرـبـنـاـ سـاـبـيـنـيـ لـيـهـ ؟ يـاـ اـبـنـيـ اـنـتـ اللـيـ سـاـيـبـكـ مـشـ رـبـنـاـ اللـيـ سـاـيـبـكـ هوـ رـبـنـاـ مـدـيـكـ المـفـتـاحـ فـيـ اـيـدـيـكـ. طـبـ وـالـتـانـيـ وـرـجـلـ
كـانـ عـنـدـهـ مـاـلـاـ فـاعـطـاهـ سـفـيـهـاـ وـاـحـدـ حـدـ منـ السـفـهـاءـ اللـيـ اللـيـ يـعـنـيـ مـاـعـنـدـهـمـشـ حـكـمـةـ فـيـ الـحـيـاةـ وـقـامـ رـايـحـ مـدـيـ لـهـ فـلـوـسـهـ وـقـامـ
الـتـانـيـ مـضـيـعـ لـهـ فـلـوـسـهـ. السـفـيـنـةـ مـمـكـنـ بـيـقـيـ اـبـنـهـ وـاـحـدـ اـدـيـ عـرـبـيـةـ - 00:32:27

ابـنـهـ مـسـلـاـ بـتـلـاثـةـ مـلـيـونـ جـنـيـهـ وـالـوـادـ قـامـ طـالـعـ بـالـعـرـبـيـةـ قـامـ عـاـمـلـ حـادـسـةـ مـضـيـعـ لـلـرـاجـلـ فـلـوـسـهـ وـلـاـ اـيـاـ مـاـ كـانـ بـقـىـ القـصـةـ اـدـيـ فـلـوـسـهـ
لـوـاـحـدـ السـفـيـنـةـ فـرـمـهـاـ لـهـ. مـنـكـ لـلـهـ يـاـ ظـالـمـ. وـالـلـهـ مـاـ هـيـسـتـجـيـبـ لـكـ دـعـاءـكـ. اـنـتـ اـنـتـ اللـيـ سـفـيـهـ اـصـلـاـ. اـنـتـ اـنـتـ اللـيـ ضـيـعـتـ نـفـسـكـ
بـنـفـسـكـ. وـرـجـلـ - 00:32:50

اعـطـيـ رـجـلـ دـيـنـاـ فـلـمـ يـشـهـدـ عـلـيـ. وـوـاـحـدـ بـيـقـولـ لـوـاـحـدـ سـلـفـيـ اللـهـ يـكـرـمـكـ نـصـ مـلـيـونـ جـنـيـهـ. حـاضـرـ يـاـ مـوـلـاـنـاـ. خـدـ النـصـ مـلـيـونـ اـهـوـ. يـاـ
نـكـتبـ بـقـىـ وـنـمـضـيـ وـابـصـمـ لـكـ رـقـمـ الـبـطاـقـةـ وـنـجـيـبـ اـتـتـيـنـ عـيـبـ. عـيـبـ اـيـهـ دـهـ اـمـ شـرـعـيـ. الـمـكـاتـبـةـ فـيـ الـدـيـوـنـ دـهـ اـمـ شـرـعـيـ. اـذاـ تـدـاـيـنـتـ
بـلـيـلـ اـلـىـ اـجـلـ مـسـمـيـ فـاـكـبـوـهـ. عـيـبـ اـنـاـ ضـامـنـ وـاـنـاـ - 00:33:10

بعـدـ شـوـيـةـ الـفـلـوـسـ فـيـنـ ؟ مـاـ لـكـشـ حـاجـةـ عـنـدـيـ. مـنـكـ لـلـهـ يـنـتـقـمـ مـنـكـ. وـالـلـهـ مـاـ هـيـسـتـجـيـبـ لـكـ دـعـاءـكـ. اـنـتـ اللـيـ اـنـتـ اللـيـ زـالـمـ نـفـسـكـ.

انت اللي ضيغت نفسك. انت فشلت نفسك. وجاي تقول يا رب بعد ما انت اللي فشلت نفسك. ربنا اداك حبك، وحباك وانت اللي وانت
اكتشف مسئوليتك عن معزز - 00:33:30

اللي انت فيها انك انت مسؤول عن معزز مشاكل حياتك انت هتيجي لربنا الدين مش دروشة يا جماعة ولا الدين تبللة ولا الدين فشل
ولا الدين ندالة باسم الله وتلاقي واحد متدين وبعد كده يا عم انت ما وقفتش مع فلان - 00:33:50

اصل كنت مشغول في في حبيبي الدين مش شماعة بنعلق عليها ندالتنا وبنعتزز للناس عن آآ ان احنا مسئولين عن عيالنا وعن ولادنا
وعن نجاحنا. يا ابني انت ما نجحتش ليه؟ اصل انا كنت باطلب علم. يا ابني هو انت ما شلتتش مسئولية - 00:34:04

اصل انا كنت شغال في الدعوة. يا ابني حبيبي انت لازم تبقى راجل هنا وراجل هنا. عمر ابن الخطاب ساب النبي نص المدينة عشر
سنين ساب النبي خمس سنين. عليه الصلاة والسلام - 00:34:20

يوم بيتجار ويوم مع النبي عليه الصلاة والسلام. عشان يبقى راجل في دينه ويفي النهاية بقى خليفة خليفة في
مؤسس امبراطورية الاسلام في العالم لان دول الرجال اللي ربنا بيستعملهم - 00:34:30

ما تفتكريش ان ربنا بيحب العبد الرجال. الله سبحانه وتعالى بيرحب الانسان المسؤول قضية آآ قضية الرجولة المسئولية عن الدين
قضية كبيرة جدا. قضية ازاي تبقى راجل؟ قضية كبيرة جدا. حنظلة الاسيدى. رايح للنبي عليه الصلاة والسلام. بيقول له يا رسول
الله نفق حنظلة. انا ضايع - 00:34:43

النفاق وفك المصلحة. انا الرجال بتاع مصلحته يا رسول الله. ليه؟ انا بابقى عندك واسمع عن النار والجنة. فكان رأي عين قلبي يبقى
في السما. بابقى طاير ازا رجعنا عافسنا الازواج والاولاد والضياعات خلاص زهب عنا ما نجد كل حاجة راحت. عفسنا في ناس -
00:35:03

فاكرة ان عفسنا ديت يعني لعبنا بقى ارجع الاقي مراتي بقى واقعد بقى اتبسط مع مراتي بقى ونقدر احنا الاتنين بقى في لقاء غرامي
عاطفي بقى ولا اعلائي عيالي بقى - 00:35:23

الكتاكيت كده واقعد العب مع الكتاكيت الصغيرين. والضياعات بقى فيه ناس فاكرة الضياعات ديت يعني الاموال الوفيرة بقى وعندي
عزب يا رسول الله بقى. اروح بقى الاقي بقى السمار بتاع الكلام ده - 00:35:33

غلط يا جماعة. عافسنا اي صارعنا. المعاشرة هي الصراع والضياعات هي الاشغال الدنيوية يعني يا رسول الله انا ببابقى عندك في
المسجد. اقدر بقى اسمعك وانت بتتكلم على المرجلة في الدين والمسؤولية في الدين وطلب العلم والبناء والتربية والعبادة -
00:35:43

والنار والدعوة الى الله ارجع بصوا انا مش عايز مش عايز اقول لك كلمة انا عايز ادخل اوosti الله اكبر واسترجل بقى وصل لي بقى
 ساعتين كده وبعد كده بابدا اذاكر علم وبعد كده انزل تحت ارجع الاقي المصايب الاقي مراتي مستقبالاني بتلطم عفسنا دخلنا -
00:36:02

في صراع يا رسول الله احنا بنسبيك بنرجع نلاقي دنيتنا مصايب حرائق حرائق في الشغل العيال مقطعين بعض الواد ده سوق
والمدرسة طلباني عشان اه استدعاءولي امر. والواد ده عامل لي مصيبة مع الجيران. والواد ده بدأ يمشي مع شلة بايزه. ومراتي
خلاص بتلطم من المشاكل اللي هي فيها - 00:36:22

وعايزه مني مصروف البيت ومحضرة لي ورقة فيها خمسين طلب انا ما عييش اصلا فلوس خمسة منهم. فازا رجعنا فوجئنا ان الدنيا
مسئولييات وصراع النبي عليه الصلاة والسلام قال له يا حنظلة لو انكم تدومون على ما تكونون عندي لو للاستحالة لصفحتم الملائكة
في الطرقات ولكن يا حنظلة ساعة وساعة - 00:36:42

ساعة راجل فيها في الدنيا بتشيل مسئولية دنيتك وبتشيل مسئولية مزاكرتك ومسئولية نجاحك ومسئولية تغيير شخصيتك.
ومسئولية بناء نفسك ومسئولية تنمية ذاتك ومسئولية تنقيف نفسك ومسئولية توسيع مداركك ومسئولية فتح علاقات جديدة في
حياتك ومسئولية شغلك ومسئولية انك تنزل الدنيا وتشتغل وتفهم وتفلح من بدرى يبقى عندك وعي مبكر بالدنيا ما تجيشه وانت

خمسة وعشرين سنة اما انزل الدنيا بقى ده تخلف ده نوع من انواع التخلف. تخلف ديني وتخلف دنيوي. الانسان المفروض بينزل الدنيا دي من عنده عشرة حداشر سنة. ينزل يشتغل - 00:37:26

يفلح ويفهم الدنيا. عمال يبقى عنده عشرين سنة يبقى فهم الدنيا. ومعه صنعة وعنده مشروع وعنده انما التخلف الدنيوي ده بيؤدي الى تخلف ديني اصلا كده فرسولها قال له ولكن يا حمد الله ساعة وساعة. ساعة بتجاهد في وراجل في تحمل مسؤولية دينتك. وساعة راجل في تحمل مسؤولية دينك. وتحمل مسؤولية الحفاز على - 00:37:36

وتحمل مسؤولية تنفيذ التكاليف الشرعية اللي انت سمعتها باسم قال الله وقال رسول الله في المواعظ الدينية. ولكن يا حنظلة ساعة وساعة الراجل راجل في كل حاجة. والفاشل فاشل في كل حاجة. والناتج ناتج في كل حاجة. اللي عنده تحمل مسؤولية. عنده تحمل مسؤولية في كل حاجة. والشهامة - 00:37:57

الدين والشهامة من الايمان وربنا سبحانه وتعالى لما اختار الانبياء سيدنا موسى قبل البعسة لما شاف الفتاتين بيسقوا الماء ها والناس مش راضيين بيسقوا انقلب خطبكم الخطب ده المصيبة. المصيبة اللي انا فيها دي رجال قاعدين بيسقوا مية واتنين ستات آآ واقفين مش عارفين بيسقوا ايه المصيبة دي - 00:38:17

ده ده قبل البعسة. سيدنا محمد قبل البعسة بقى والله لا يخزيك الله ابدا انك لتصل الرحم وتقرئ الضيف. وتطعم المسكين وتكتسب المعدوم وتعين على نواب الحق راجل. ربنا لما اصطفى للنبوة اصطفى ناس عندها شهامة. اصطفى ناس عندها مرحلة. فما تفتكرش يعني وسع افق - 00:38:37

وفق فهم دين الله سبحانه وتعالى. وخليك راجل في دينك. وخليك راجل في دينتك. وغير نفسك وافهم الرسالة اللي ربنا منزلها لك من فوق سبع سماوات. والتغيير اللي ربنا يريد احداته فيك. التغيير اللي الدين بيدعوك اليه مش انت ما كنتش بتصلني بس وبقيت عندك ورد قيام ليل. مش انت بس تغيير اللي الدين بيطلبه منك انت - 00:38:57

يبقى خليفة الله في الارض وانك يبقى عندك تحمل امانة وتحمل مسؤولية في الدين نسأل الله سبحانه وتعالى ان يصلحنا ونسأل الله ان يستعملنا ولا يستبدل بنا. الكلام العالي ده مش معناه بقى ان الواحد يقدر ايه طب آآ - 00:39:17

آآ اعمل ايه ؟ آآ طب انا آآ سخنان مش لا يا حبيب قلبي هو هي الروشتة اسبرين سخنا واتكلمنا على المرجلة في الاخر الروشتة اسبرين. اتكلمنا عن الجهاد في سبيل الله في الاخر الروشتة اسبرين. اتكلمنا عن الدعوة في الاخر والرشيد تسبيح الروشتة ايه ؟ لزوم بيئة الایمان - 00:39:29

عايز توصل لربنا الزم بيت الایمان الزم الصحبة لانك هتدم وھتننسف وھتروح في ستين داهية من غير صحبة كل يوم الواحد بيتصدم في واحد من الناس اللي كانوا ماليين الدنيا امبراح شغل وبعد كده بعد عن اخوانه - 00:39:45

وبعد عن صحبته الصالحة وتلاقيه ضاع. ضاع وممكن يدخل في في خوف عليه اصلا من انه اصلا استغفر الله العظيم بيسbib الدين اصلا. ويفتن في عقيدته ويفتتن بعقائد باطلة. هو ازاي ده حصل يا ابني ما فيش حد كبير على التربية وعلى بقية الایمان لزوم بيت الایمان لزوم الصحبة الصالحة - 00:40:00

العلم حفظ القرآن البناء سماع الدروس الایمانية. آآ البحث عن صحبة الهمة في وسط آآ الصحبة الصالحة هي الروشتة اسبرين هتفضل ماشي في الطريق محاولة تغيير شخصيتك وتغيير كسلك وتغيير الشتات اللي انت فيه بين الدنيا والدين. وتغيير الشتات اللي انت فيه جوة الدين. وفاصم ان الطمع في الدين ما لوشن - 00:40:20

لما في الدين غير شخصيتك بقى. وغير نفسك واسترجل بقى وخليك انسان جدع. يبقى هي دي الروشتة والموضوع يحتاج سنين. وربنا بيقول فلبثت سنين كده كده التغيير عايز سنين من الاستمرار في الطريق. نسأل - 00:40:40

الله اهدنا وسدنا. اللهم انا نسألك الهدى والسداد. والحكمة والرشاد والتوفيق والمدد. اللهم ایدنا بروح منك. اللهم اجعل لنا اللهم استخرج منا برفقك ولطفك ما يرضيك عنا. اللهم انك تحب من عبادك الهلين اللين اسهل القريب. اللهم - 00:40:54

اجعلنا منهم يا رب. اللهم اجعلنا من هؤلاء يا رب. اللهم سهلنا. اللهم لينا. اللهم انا نعوذ بك ان نشرك بك شيئاً ونستغفر لك لما لا نعلمه
الله استعملنا ولا تستبدل بنا. اللهم افتح لنا من ابواب الدعوة اليك ما ترضى به عنا. اللهم انك لم تطاع الا باذنك. اللهم اذن لنا -

00:41:14

في الدعوة اليك اللهم اذن لنا في الصيام والقيام. اللهم يا ربنا اللهم انزل الامانة في جذر قلوبنا اللهم فقهنا في الله فقهنا في الدين
وعلمنا التأويل. رب زدنا علما. رب زدنا فهما. رب زدنا ايماناً ويقيناً - 00:41:38

الله اعنا على ذكرك وشكرك وحسن عبادتك. اللهم اهمنا رشدنا واعذنا من شر انفسنا. اللهم قتنا شر نفوسنا واعزم لنا على ارشد امرنا.
الله انا نستهديك لارشد امرنا. اللهم انا نسألك الثبات في الامر والعزم على - 00:41:58

الرشد اللهم مصرف القلوب صرف قلوبنا على طاعتك. اللهم يا مقلب القلوب ثبت قلوبنا على دينك. اللهم انا نعوذ من الهم والحزن.
الله انا نعوذ بك من الهم والحزن. ونعوذ بك من العجز والكسل. ونعوذ - 00:42:18

من الجبن والبخل ونعوذ بك من غلبة الدين وقهر الرجال. اللهم اكتفنا بحالك عن حرامك. واغتننا بفضلك عن سواك اللهم انا نسألك من
فضلك ورحمتك. فانه لا يملكها الا انت. اللهم اهدنا وسدنا. وما توفيقنا الا - 00:42:38

عليه توكلنا واليه ننيب. اللهم اشرح لنا صدورنا ويسر لنا امورنا. واحلل عقدة من السنتنا يفقه قوله ربنا هب لنا من ازواجنا وذرياتنا
قرة اعين. واجعلنا للمتقين اماما. اللهم انا نسألك علما نافعا - 00:42:58

ورزقا طيباً وعملاً متقبلاً. اللهم انا نسألك الفردوس الاعلى ونستجير بك من النار. اللهم زدنا ولا واكرمنا ولا تهنا. واعطنا ولا تحرمنا.
واثرنا ولا تؤثر علينا وارضنا وارض عنا. برحمتك - 00:43:18

يا ارحم الراحمين سبحانه الله وبحمدك اشهد ان لا اله الا انت استغفر لك واتوب اليك. جزاكم الله خيرا - 00:43:38